



**DFG**

**Universitäts- und Landesbibliothek Sachsen-Anhalt**

**Digitalisierung von Drucken des 16. Jahrhunderts**


**EXĒGĒSIS || PROPO=||SITIONVM, CLARIS-||SIMI  
AC DOCTISSI-||MI VIRI, D. NICOLAI CONRADI ||  
GLOSSENI, Sacrae Theologiae ...**

**Jacobi, Leonhard**

**Magdeburg, 1546**

**VD16 J 75**

**urn:nbn:de:gbv:3:1-207162**



50. Alte in der

(Rhegins, Verb.) in noch  
in fortsetzung

K. VIII. 93

ἘΞΗΓΗΣΙΣ

**PROPO-**  
SITIONVM, CLARIS-  
SIMI AC DOCTISSI-  
MI VIRI, D. NICOLAI CONRADI  
GLOSSENI, Sacrae Theologiae LICEN-  
TIATI, Magdeburgensis & finitima-  
rum Ecclesiarum Inspectoris uigilan-  
tissimi, Contra errores Papisticos,  
in negotio SACRAMENTI cor-  
poris & sanguinis Domini  
nostri IESV  
CHRISTI.

AUTHORE M. LEONAR-  
DO IACOBI, NORT-  
HVSIANO.

(Magd. 1546)

# AD CHRIS- TIANVM LECTOREM.

**S**I SACRAMENTI cupias cognoscere summā,  
Si quoq; de MISSA scire probanda uelis.  
Ordine, GLOSSENSIS quæ plurima themata doc-  
Edidit in lucem, perlege, nosse potes. (ta,  
Omnia qui Methodo classem conclusit in unam,  
Quæ cuiquam dubium, crede mouere queant.  
Suscipit hæc eadem sibi defendenda Magister  
Nomen IACOBI cui LEONHARDVS inest.  
Sceta Papistarum quæcunq; Sophismata praua,  
Obijcit, arguta diluere arte studet.  
Scripturis cōtra firmis sacra dogmata CHRISTI  
Confirmat, certa tum ratione probat.  
Ergo age si cordi tibi sit sacrosancta Synaxis,  
Et si respicias cum pietate fidem,  
Arripe uera quidem, quæcunq; ECCLESIA CHRI  
Ore pari nobis arripienda docet. (STI  
Respue falsa simul, quæ reijcienda LVTHERVS,  
Orthodoxorum contio quæq; iubet.  
Quisquis es hūc lector pie uolue reuolue libellum,  
Quem tibi IACOBI sedula cura dedit.

# CLARISSIMO

MO, DOCTISSIMO, HUMANISSIMOQUE uiro, Domino Ioanni Scheyringo, Patricio Magdeburgensi, Equiti aurato, uicecomiti Palatino, utriusque Iuris Doctori, Domino ac Mæcenati suo plurimum obseruando conlendoque.

ΕΥΠΡΑΤΤΕΙΝ.



Vi lusus non nouit legē, ut ille ait, abstinere: illud de me dici posse, certe non inficior clarissime domine Doctor summeque Mæcenas. Minime enim decet, sed temeritatis est potius, scilicet rem aliquam, præsertim cū sit magni momenti, imparate atque irreuerenter aggredi, seu ἀνίπτοις χεσσίμ, ut aiunt, attrectare.

Profecto magni laboris res est, magnasque ingenij uires postulat, sacra exponere interpretarique. Quid igitur aliud sibi uult quod olim poeta Syracusanus ad Battum dixit: A 2 Batte,

Batte, caue pedibus nudis perrepere  
montem. Quippe rubis tribulisq; uiret  
mons undiq; densus, nisi hoc: ne tam te-  
mere altiora & captum nostrum excellen-  
tia tentemus aggredi. Est enim commu-  
ne prouerbiū, *δὲ κώπλω ἐλάυνει μαθόντα.*

Proinde ab hoc suscepto negotio fe-  
re destitiffem, præsertim cum non igno-  
rem, ut si me meo metiar pede, quam sit  
mihi curta suppellex, Quidue ualeã hu-  
meri mei quid ferre recusent, nisi diuer-  
sum suafisset celebris illa uirtus, Obedien-  
tia scilicet (quam diserte matrem foelici-  
tatis appellant eruditi) qua quidem disci-  
pulos præceptoribus suis coniunctissi-  
mos esse & decet & oportet. Illa uoluit,  
illa iussit, ut præceptoris meo domino Li-  
centiato, Viro longe doctissimo atq; hu-  
manissimo, qui mihi suas Propositiones  
in negotio sacramenti corporis & sangui-  
nis Christi, contra Papisticos errores, pro  
publica disputatione, fideliter defenden-  
das tradidit, in re tam honesta tamq; lau-  
dabili morem gererem. Esset quidem ne-  
phas & plane absurdum huic uiro, cuius  
pectus natum est rebus studiosorum iu-  
uandis, Etenim Est pius Antistes, Sophiae  
qui

qui dona ministrat, uel quicquam recu-  
sare. Cum igitur sciam, imo re ipsa exper-  
tus sim, quanta benignitas, quanta huma-  
nitas, quanta demum pietas sit in isto ui-  
ro, apud quem non solum ipsæ Musæ sua  
habent conuenticula, uerū etiam præsu-  
lem agit ex omni parte egregium atq; in-  
tegerrimū, cui nihil antiquius est ac glo-  
ria Christi, placuit istas Propositiones nō  
solum defendendas (quanquam sint ue-  
rissimæ firmissimæq;) sed & exponendas  
siue declarandas, & tandem in publicum  
aspectum producendas, suscipere: Sperans  
istum laborem meū Junioribus Theolo-  
gis magno usui futurum.

Deinde suavitudo quoq; huius rei utilitas  
& me fere impulit, ut hoc quicquid est la-  
boris lubenti animo subirem. Non enim  
me præterit conflictationem illam inge-  
niorum, quemadmodum in Disputatio-  
nibus solet fieri, a doctissimis & probatis-  
simis quibusq; uiris ap probatum iri. Per-  
spicuum enim est simulq; manifestum,  
multum utilitatis & commodi ex illa re  
prouenire, cum scilicet eruditi homines  
de negotio literarum inter se conuersari  
ac conflictari soleant.

A 3 Præte



Præterea tradit Euangelica doctrina,  
Summum illum ac unicum magistrum  
& dominum nostrum Ihesum Christum  
sæpius disputasse.

Sedens enim in medio doctorum Ihe-  
resolymis, audiuit illos ac interrogauit  
eos: stupebant uero omnes qui cum au-  
diebant super intelligentia & responsis  
eius, eratq; annorum duodecim Lucæ. 2.  
Mathei 12. defendit discipulos suos con-  
tra Phariseos ex scripturis disputas, Non-  
ne, inquit, legistis, quid fecerit Dauid cū  
esuriret ipse, & qui cum illo erant: Ma-  
thæi 22. Disputauit quoq; cum Sadducæis  
de resurrectione mortuorum, inquit,  
Erratis, nescientes scripturas. Matthæi 4.  
Vicit tentatorem disputando ex scriptu-  
ris, cui dixit. Vade Sathanas, scriptum est  
enim, Dominum Deum tuum adorabis,  
& illi soli seruias. Quare sacra scriptura  
quoq; adhibeatur in Disputationibus.  
Tota enim sacra scriptura, quæ nobis nō  
humano ingenio, sed diuini Spiritus af-  
flatu prodita est, quemadmodum Diuus  
Apostolus ad Timotheum scribit, ma-  
gnam habet utilitatem, uel ad docendū  
ea quæ cum periculo salutis nesciuntur,  
uel

uel ad redarguendum eos, qui repugnant  
ueritati, uel ad corrigendos & reuocan-  
dos eos in uiam qui simpliciter errāt &c.  
Porro, Iudæi disputantes cum Stephano  
non poterant resistere sapientiæ & Spiri-  
tui qui loquebatur per Stephanū Acto. 4.  
Commendatur etiam Apollo, quod fue-  
rit uir potens in scripturis, & uehementer  
conuincebat ex scripturis Iudæos, Iesum  
esse Christum, Acto: 18. legimus etiam in  
eodem loco diuum Paulum per omne  
Sabbathum in Synagoga disputasse.

Diuus Augustinus epistola 163. de  
sarcienda concordia, uult quoq; canoni-  
cos libros adesse in disputationibus. Hi-  
sychius summopere commendat dispu-  
tandi exercitium, lib. 5. cap. 16. in Leuiti-  
cum Mosi. & Augustinus lib. 3. confessi-  
onum, cap. 18.

Et hæ sunt ipsissimæ causæ, quas iam  
dixi, quæ me impulerunt, quo istas Pro-  
positiones a præceptore meo uiro omni-  
um eorum quæ ad curam Christiani gre-  
gis spectant obseruantissimo, non modo  
pro uirili defendendas, sed et exponendas  
declarandasue, & in publicum promen-  
das, susciperem, quarum ueritatem satis  
superq;

A 4

superq;

superq; cum ex sanctis scripturis, tum etiam ex scriptis patrum in hac mea Exegesi declaratam manifestatamq; inueniet pius lector.

Ego uero cum absoluta hac Exegesi dispicerem, cui nam illa deberet consecratum iri, in primis tu mihi dignus uisus es, clarissime domine Doctor, summeq; Mæcenas, ut istæ tibi, tanquã totius literarij ordinis Antistiti, dicaretur. Patere igitur obsecro uir humanissime, celeberrimi famigeratissimiq; nominis tui titulum, huic libello meo, uelut facem quandam, præluere.

Multæ quidem sunt causæ & piæ & honestæ, a quibus persuasus id facio. Primo quidem nemini non est obuium, te ea eruditione & summorum studiorum peritia præditum esse, & ijs quoq; perspicacissimi ingenij dotibus pollere, eaq; demum uitæ inculpatae sanctimonia passim commendari, ut iste libellus meus plane implumis, libenter in sinum tuum sub protectionis tuæ alis fouendus acturandus conuolet, quo ipsum, aduersus Momicos quosdã homines, qui perinde ueteribus ac nouis solent offendi, tuo patrocinio

trocinio defenfites, Scio equidem nihil  
tam circumfpecte agi diciue poffe, quod  
male uoli nō rapiāt in calumniā, et quod  
promptius fit cauillari quam imitari, iux  
ta prouerbium, *μωμῖσεται τις μάλλον ἢ μι-*  
*μῖσεται.* Est uero in primis opus ut te ro-  
gem, quatenus pro tua in me beneuolen-  
tia et pietate digneris, in melius interpre-  
tari, uidelicet, quod nō ueritus fuerim in-  
genioli mei foeturam ad te, ceu alterum  
Roscium Theatri literarij mittere.

Deinde, multis quoq; perfpicuum est,  
te propense bonis literis earumq; cultori-  
bus fauere, et quod nūquam patiaris lite-  
raris tuum deesse patrocinium. Quam-  
obrem publicæ famæ præconio dignus  
es, atq; ut quam diutissime agas in terris.

Postremo, ipsa honesti ratio postula-  
bat, ut te aliquo literario munusculo do-  
narem pro gratiarum actione. Equidem  
fateri cogor, me tibi plurimum debere  
pro tuis in me officijs, quibus certe me ti-  
bi nō modo deuinctum, sed & deuinctis-  
simum reddidisti. Aurū uero atq; argen-  
tum, ut cum Apostolo Petro loquar, nō  
est mihi, quod autem habeo, hoc tibi do.

Accipe itaq; nūc clarissime doctissime ac  
A 5 huma

humanissime domine Doctor a me bo-  
no & pio animo, ut scies, literarium istud  
Munus, & sanctis his nostris cœptis faue.  
Quamquam de hoc non dubito, didicisti  
enim ex Homero Musarum patre, haud  
quaquã scilicet decere, donum aliquod  
reijcere, Sed magis probare. Præterea nil  
aliud sibi uult prouerbiale istud Heroi-  
cum Hemistichium, quod est,  $\xi\epsilon\nu\acute{\omega}\mu\ \delta\epsilon\ \tau\epsilon$   
 $\delta\upsilon\mu\acute{o}\varsigma\ \acute{\alpha}\gamma\iota\sigma\omicron\varsigma$ , præterquam, ut exiguum  
munus a tenui amico missum, perinde ut  
maximum boni consulamus. Iamq; ua-  
leat optime fœlicissimeq; tua amplitudo  
atq; dignitas, cui me totum quantus sum  
cômendo, quam nobis diu incolumem  
seruet filius Dei uiui, ac totius humani ge-  
neris redemptor, dominus noster Iesus  
Christus, in sæcula benedictus, Amen.  
Data ex nostro  $\mu\omicron\nu\sigma\acute{\omega}\iota\omega$  Anno uirginei  
partus, 1 5 4 6. ipsis ferijs Trium  
Magorum Magdeburgi.

Tuæ excellentiæ ac digni:  
deditissimus

M. Leonardus Iacobi Northusi-  
anus, apud Magdeburgenses diui-  
ni uerbi Minister, in Ecclesia  
Vdalrichiana.